

Allannguutissatut siunnersuut

uunga

Siunnersuut uunga: Inuussutissarsiutigalugu takornarialerisunut takornariartitsinermik ingerlatsineq, zone-nut killilersuineq kiisalu sumiiffinnut aalajangersimasunut killilersuineq pil-lugit Inatsisartut inatsisaat

Naalackersuisut aappassaaneerinissaannut saqqummiussaq.

Siunnersuutip qulequtaanut

1. Siunnersuutip qulequtaa ima allassimassaaq:

”Siunnersuut uunga:

Inuussutissarsiutigalugu ingerlatsisunut takornarialerineq zone-nullu immikkoortitsineq pil-lugu Inatsisartut inatsisaat”

§ 1-mut

2. § 1, imm. 2, ima allanneqassaaq:

” *Imm. 2.* Inatsisartut inatsisaat inuussutissarsiutigalugu ingerlatsisunut aamma atuutsinneqarpoq.”

§ 3-mut

3. § 3 ima allanneqassaaq:

” § 3. *Imm. 2*-mi allassimasut aallaavigalugit akuersissummik atuuttumik pillit taamaallaat takorn-arissanut ingerlatsisinnaapput.

Imm. 2. §§7-10-mi piumasaqaataasutut allassimasut aallaavigalugit Naalackersuisut inunnut inatsisitigullu inunnut takornarissanut ingerlatsisinnaanermut akuersissummik tunniussisinnaapput. Takornarissanut ingerlatsinissamut akuersissut immikkuullarissumik pisoqartillugu piffissamik kil-lilerlugu tunniunneqarsinnaavoq.

Imm. 3. Takornarialerinerimik ingerlatsisup piffissaq akuersissuteqarfiusoq tamakkerlugu §§ 7-10-mi piumasaqaataasunik naammassinnissaaq. Takornarialerinerimik ingerlatsisup piumasaqaatit naammassinngippagit, Inatsisartut inatsisaanni § 14, imm. 1-mi allassimasut naapertorlugit takorna-rialerinerimik ingerlatsisoq peqqussummik tunineqarsinnaavoq. Sillimaniarneq aammalu uumasut pinngortitalu mianerineqarnissaat eqqarsaatigalugu Naalackersuisut piumasaqaatinik allanik

aalajangersaasinnaapput, taakkualu takornariartitsinermik ingerlatsisup piffissami akuersissuteqarfi-usumi takonarissanut ingerlatsisinnaaniaruni naammassisinnaasariaqarpai.

Imm. 4. Naalackersuisut allakkatigut akuersissuteqartinnerisigut takonarissanut ingerlatsisinnaanermut akuersissut allanut ingerlateqqinneqarsinnaavoq.

Imm. 5. Takornariartitsinermik ingerlatsisinnaanermut akuersissutit Naalackersuisut tamanut saqqummiussinnaavaat.

Imm. 6. Imm. 1-imi allassimasoqaraluartoq takornariartitsinermik ingerlatsisinnaanermut akuersissuteqarnissamut piumasagaataat atuutsinneqassanngilaq takornariartitsivimmik ingerlatsivimmit ataatsimit arlalinnilluunniit kaaviiartitat ukiumut 50.000 kr. qaangerneqarsimangippata.”

§ 6-mut

4. § 6 ima allanneqassaaq:

” § 6. Inatsisartut inatsisaanni matumani § 3-mi allassimasut tunngavigalugit Naalackersuisut takornariartitsinermik ingerlatsinissamut akuersissummik tunniussinerminnut, § 13 naapertorlugu nakkutilliinissaminut, kiisalu § 14, imm. 1 naapertorlugu peqqusinissaminut kiisalu § 14, imm. 2 naapertorlugu peqqussutinik nalunaaruteqartarnerminnut atatillugu takornariartitsinermik ingerlatsinissamut akuersissummik utertitsisarnerminik pisussaaffimminnik, pisinnaatitaaffimminnillu Namminersorlutik Oqartussat ingerlatseqatigiiffiutaannut allanut imaluunniit kommunalbestyrelsemut tunniussisinnaapput.

Imm. 2. Namminersorlutik Oqartussat ingerlatseqatigiiffiutaat kommunalbestyrelseluunniit imm. 1 naapertorlugu pisussaaffinnik pisinnaatitaanernillu tigusaqartut, pisussaaffimminnik pisinnaatitaanerninnillu ingerlatsinissaminnut atatillugu ingerlatsinermut malittarisassat periutsillu Namminersorlutik Oqartussa qarfiup ataani pisortat ingerlatsinerannut atuuttut malinneqassapput, tassunga ilanngullugit Pisortat ingerlatsinneranni suliassat suliarineqartarnerat pillugu Inatsiartut inatsisaat, Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat kiisalu inuit paasissutissaataat pillugit suliaqarnissamut inatsit.

Imm. 3. Pisussaaffinnik pisinnaatitsissummilluunniit Namminersorlutik Oqartussa qarfiup suliffeqarfiutaannut kommunalbestyrelsemulluunniit tunniussisoqartillugu Naalackersuisut nakkutilliinissamut maalaaruteqarsinnaanermullu tunngasunik aalajangersaasinnaapput.”

§ 7-mut

5. § 7 ima allanneqassaaq:

” § 7. Takornariartitsinermik ingerlatsisinnaanermut akuersissummik taamaallaat tunniussisoqarsinnaavoq inummut:

- 1) Kalaallit Nunaanni inuit allattorsimaffianni nalunaarsugaasimasumut,
- 2) tamakkiisumik Kalaallit Nunaanni akileraartartumut.
- 3) nammineq pigisaminut nalilinnut tamakkiisumik atuisinnaatitaasumut aammalu

akiliisinnaajunnaarsimasutut, suliamik ingerlatsisinnaajunnaarsimasutullu inissisimanngitsumut.”

§ 9-mut

6. § 9, imm. 5, ima allanneqassaaq:

” *Imm. 5.* Sillimaniarnermut pilersaarut ingerlatassat tunngavigalugit navianaataasinnaasunut nalilersuineramik tunngaveqartuussaaq, makkuninngalu imaqassalluni:

- 1) navianartoqartillugu ajutoortoqartillugulu iliuusissanik nassuiaat,
- 2) sulisut ingerlatamut peqataasussat ilisimasassaatigut, misilittagassaatigut piginnaasassaatigullu piumasqaataasut pillugit paasissutissat, aammalu
- 3) navianartoqartillugu qinnuteqartup sulisui qanoq periuseqartassanersut, tassunga ilanngullugu attaveqartarnissaat pillugit paasissutissat.”

§ 10-mut

7. § 10, imm. 2, ima allanneqassaaq:

” *Imm. 2.* Takornariartitsineramik ingerlatsiviusumut pineqartumut inuussutissarsiummut atatillugu sillimmasiiffiusinnaanngitsunut imaluunniit allatigut sillimmasiisinnaanermut periarfissaaffiginngisaani imm. 1-mi allassimasut atuutinngilaq.”

§ 11-mut

8. § 11, imm. 1-p kingorna imm. 2-tut ikkunneqassaaq:

” Immikkut akuersissut ukiunut marlunnet attuutissaaq, qinnuteqarnikkut ukiunik marlunnik sivitsuisoqartarsinnaassaaq. Immikkut akuersissuteqarnermut sivitsuinernullu Naalakkersuisut pi-umasaqaateqarsinnaapput.”

§ 12-mut

9. § 12, imm. 1, ima allanneqassaaq:

” § 12. § 3, imm. 2 aallaavigalugu takornariartitsineramik ingerlatsinissamut akuersissummik qinnuteqartut kiisalu takornarialerineramik ingerlatsisut, pisorta qarfinni sullissinermi aningaasartuutitut matussusiinissamut Naalakkersuisut akiliuteqartissinnaavaat.”

§ 13-mut

10. § 13 ima allanneqassaaq:

” § 13. Takornariartitsineramik ingerlatsisut ass. Inatsisartut inatsisaannik aalajangersakkanillu Inatsisartut inatsisaat aallaavigalugu suliarineqarsimasunut malinninnerat pillugu Naalakkersuisut nakkutilliisussaapput.”

Kapitali 9-mut

11. Kapitali 9-mi qulequtaq ima allanneqassaaq:

” Inuussutissarsiutinik ingerlataqartunut zone-nut agguaaneq il.il.”

§ 15-mut

12. § 15 ima allanneqassaaq:

” § 15. Inuussutissarsiutigalugu ingerlatsisunut sumiiffinni aalajangersimasuni, piffissani aalajangersimasuni imaluunniit pissutsini immikkuullarissuni aammalu sumiiffinnik toqqartuinissamut periutsit atuuttut aallaavigalugit suliaqarsinnaanerannut Naalakkersuisut ersarinnerusumik aalajangersaasinnaapput.”

§ 16-mut

13. § 16, imm. 1, ima allanneqassaaq:

” Kalaallit Nunaanni pinerluttulerinermi inatsit naapertorlugu akiliisitsissuteqarnermik pineqaatissiisoqarsinnaavoq pineqartumut piaaraluni imaluunniit mianersugaalliorujussuarluni:

- 1) § 3, imm. 1 naapertorlugu takornariartitsinermik ingerlatsinissamut akuersissummik atuuttumik peqarani takornariartitsinermik ingerlatsisimasumut,
- 2) takornariartitsinermik ingerlatsinissamut akuersissummut atugassarititaasut aallaavigalugit § 4 imm. 1 aallaavigalugu pisortat paasissutissat piumasinnaasaat pillugit paasissutissanik eqqungitsunik imaluunniit paatsoortitsinnaasunik imaluunniit nipangiussisimasumut, imaluunniit
- 3) § 14, imm. 1-imi peqqussuteqarnermik malinnikkusunngitsumut.”

Allannguutissanut siunnersuutitut oqaaseqaatit

Oqaaseqaatit nalinginnaasut

Takornariartitsinermik ingerlatsineq, sumiiffinni nunami aalajangersimasuni zone-nut agguaasarneq il.il. inuussutissarsiutigalugu ingerlatsinermi aammalu killeqartumik sumiiffiit

ilaanni angalaarsinnaaneq pillugit Inatsisartut inatsisissaattut siunnersuut UKA 2024-mi siullermeerneqarpoq.

Allannguutissatut siunnersuusiordermi Inatsisartut Allattoqarfianni inatsisissatut siunnersuutip inatsisigit suliarineqarneratigut aaqqiissutissat siunnersuutigineqartut malillugit suliaqartoqarpoq.

Taakkua saniatigut § 11 imm. 2-mik ikkussisoqarpoq, tassanilu immikkut akuersineq ukiunik marlunnik sivisussuseqartarnissaa aalajangersarneqarpoq, qinnuteqarnikkullu ukiunik marlunnik sivitsuisoqartarsinnaavoq. Immikkut akuersissuteqarnermi sivitsuinermilu Naalackersuisut pi-umasaqaatinik aalajangersaasarsinnaapput.

Taakkualu saniatigut siunnersuummi kalaallisut allassimasut § 16-imiittut naqqiiffigineqarput.

Allannguutissatut siunnersuutit aningaasatigut sunniuteqanngillat.

Siunnersuummi namminermi aalajangersakkanut ataasiakkaanut oqaaseqaatit

Nr. 1-mut (siunnersuutip qulequtaa)

Allannguutissatut siunnersuummi Inatsisartut inatsisaanni sumiiffinnut aalajangersimasunut kil-lilersuineq peerneqarnissaa siunnersuutigineqarpoq.

Taamaaliormermi aaqqiissutaareersunut naleqqussaaneq pineqarpoq, taannalu siunnersuummi § 1, imm. 2, (allannguutissatut siunnersuut nr. 2) aammalu § 15 (allannguutissatut siunnersuut nr. 12) aamma takuneqarsinnaavoq. Taakkununga oqaaseqaatit atuqquneqarput.

Nr. 2-mut (siunnersuummi § 1)

Allannguutissatut siunnersuummi siunnersuutigineqarpoq § 1, imm. 2 aaqqiisoqassasoq, taamaalil-luni Inatsisartut inatsisaanni ” sumiiffinni aalajangersimasuni angalaartarnernut, uninngaartarnernullu” peerneqarlutik.

Allannguutissatut siunnersuummi – siunnersuummi § 15-imi allassimasutut siunnersuutaasumut atatillugu atuagassaasumi – Naalackersuisut sumiiffinnut aalajangersimasunut inuit angalaarsinnaa-nerannut uninngaarsinnaanerannullu aalajangersaasinnaanerat peerneqarpoq.

Nr. 3-mut (siunnersuummi § 3)

Allannguutissatut siunnersuummi inatsisitigut oqaatsit aqqissuunneqarput.

§ 3-mi imm. 2 1 pkt.-mi qallunaatut allassimasumi “juridisk” siunnersuutaasumi “juridiske”-nngortinneqarpoq. Siunnersuutip imarisaani allanngortoqanngilaq.

Allannguutissatut siunnersuummi § 3, imm. 2, 2. pkt.-mi nutaamik allassimasoqarpoq, tassanilu allassimavoq takornariartitsinermik ingerlatsisumut akuersissummik tunniussiniarnermik, immikkuullarissumik pisoqartillugu, akuersissut tunniunneqartoq piffissaligaasinnaasoq.

Allannguutissatut siunnersuummi ersarissarneqarpoq takornariartitsinermik ingerlatsisunut akuersissummik tunniussinermi piffissamik killilersuisoqartassanngitsaq, tamannalu aatsaat pisinnaasasasoq immikkut pisoqartillugu.

Assersuutigalugu Naalakkersuisut akuersissummik piffissalikkamik tunniussisinnaapput, akuersissummik ingerlatsineq piffissami killilikkami ingerlanneqarnissaa naapertuuppat, imaluunniit takornarialerinermik ingerlatsisoq aalajangersimasoq piffissalersugaanngitsumik akuersissummik tunineqannginnermini misilittagassaminik katerseqqaartariaqartutut nalilerneqarsimappat. Kingullertut taasaq takornariartitsinermik suliffeqarfinnut nutaanut imaluunniit sumiiffinni aalajangersimasuni nutaani takornariartitsinermik ingerlatsisussanut naleqqussinnaavoq.

Allannguutissatut siunnersuummi § 3-mi imm. 3-mi 3.pkt.-eqalernissaa siunnersuutaavoq, tassanilu Naalakkersuisut piffissami akuersissuteqarfiusumi sillimaniarneq aammalu sumiiffimmi uumasut pinngortitarlu mianeriniarlugit takornariartitsinermik ingerlatsisinnaanermut akuersissuteqarfigisasap naammassisassaaniq piumasaqaasiorsinnaasut allassimavoq.

Aalajangersagassatut siunnersuut aallaavigalugu ilaatigut Naalakkersuisut takornarissanut ingerlatsinissamut akuersissummik piginnittunut aalajangersimasumik piumasaqaateqarsinnaapput, soorlu aalajangersimasunik atortoqarnissaq, takornariartitsissummut aalajangersimasumut minnerpaamik sulisoqarnissaq, imaluunniit uumasunut nujuartanut ujartuinissamut, tassunga ilanngullugit nannut arferillu, takornariartitseriaatsimut aalajangersimasumut immikkut aalajangersaaneq. Ilaatigut uumasunik nujuartanik ujartuinnermi uumasut sillimaniarnissaat peqqissuunissaallu aammalu uumasup nujuartap pinngortitami uumaffigisaanik ingerlaarfiinillu mianerinninnissamut tunngasunik piumasaqaateqartoqarsinnaavoq. Ilaatigut aamma angallassinermi amerlassusissanut piumasaqaateqartoqarsinnaavoq, imaluunniit uumasunut nujuartanut ungasinnissamut piumasaqaateqartoqarsinnaavoq.

§ 3, imm. 6-mi killiliinnermut atatillugu inatsisissatut siunnersuummi qallunaatut oqaaseqaatini ilaatigut taaguutit ”omsætning” aamma ”indtægt” atorneqarsimapput. Naalakkersuisullu uani ersarissaaniarsimapput takornariartitsinermut ingerlatsisinnaanermut akuersissummik piginnittut ukiutumut kaaviiartitaat ingerlatsivimmi ataatsimi arlalinniluunniit 50.000 kr. sinneqqusaanngikkaat.

Nr. 4-mut (siunnersuummi § 6)

Imm. 1-mut

Allannguutissatut siunnersuummi siunnersuutigineqarpoq siunnersuummi § 6, imm. 1 allassimasut, tassanilu ” pisortani oqartussanut allanut” peerlugu ” imaluunniit kommunalbestyrelsemut” ikkunneqarpoq. Allannguutissatut siunnersuummi aalajangersagaq aallaavigalugu Naalakkersuisut pisussaaffimminnik pisinnaatitaaffimminnillu kommunalbestyrelsemut tunniussisinnaalissapput.

Imm. 2-mut

Allannguutissatut siunnersuummi siunnersuutigineqarpoq § 6 imm. 2 nutaamik allassimasoqalisasoq, taamaalilluni Namminersorlutik Oqartussat ingerlatseqatigiiffiutaat kommunalbestyrelseluunniit imm. 1 naapertorlugu pisussaaffinnik pisinnaatitaanernillu tigusaqartut, pisussaaffimminnik pisinnaatitaanerminnillu ingerlatsinissaminnut atatillugu ingerlatsinermut malittarisassat periutsillu Namminersorlutik Oqartussaqaarfiup ataani pisortat ingerlatsinerannut atuuttut malinneqassasut, tassunga ilanngullugit Pisortat ingerlatsinneranni suliassat suliarineqartarnerat pillugu Inatsiartut inatsisaat, Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat kiisalu inuit paasissutissaataat pillugit suliaqarnissamut inatsit.

Namminersorlutik Oqartussat ingerlatseqatigiiffiutaat kommunalbestyrelseluunniit §6 imm. 1 naapertorlugu pisussaaffinnik pisinnaatitaanernillu tigusaqartut, pisussaaffimminnik pisinnaatitaanerminnillu ingerlatsinissaminnut atatillugu ingerlatsinermut malittarisassat periutsillu Namminersorlutik Oqartussaqaarfiup ataani pisortat ingerlatsinerannut atuuttut malinneqassasut, tassunga ilanngullugit Pisortat ingerlatsinneranni suliassat suliarineqartarnerat pillugu Inatsiartut inatsisaat, Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat kiisalu inuit paasissutissaataat pillugit suliaqarnissamut inatsit. Tamanna isumaqarpoq ingerlatseqatigiiffik kommunalbestyrelseluunniit ilaatigut pisortaqaarfinni ingerlatsinissamut malittarisassat nalinginnaasut malissagaat, aammalu paasissutissat pissarsiarineqartut nipangersimasussaataanermut malittarisassat malillugit suliarissagaat, taannalu pisortaqaarfinni ingerlatsinermi malittarisassaniippoq aammalu inuit paasissutissaataat pillugit suliaqarneq pillugu inatsimmi allassimalluni.

Imm. 3-mut

Allannguutissatut siunnersuummi siunnersuutaasimasumi § 6, imm. 3-mi nutaamik allassimasoqalernissaa siunnersuutaavoq, Naalakkersuisullu nakkutilliinermut maalaaruteqarsinnaanermullu attuumassusilinnik aalajangersaasinnaalerlutik, tamannalu pisinnaassaaq pisinnaatitaaffiit pisussaaffiillu Namminersorlutik Oqartussat ingerlatseqatigiiffiutaannut kommunalbestyrelsemulluunniit ingerlatinneqarsimatillugit.

Aalajangersagassatut siunnersuutaasoq aallaavigalugu Naalakkersuisut pisussaaffinnik pisinnaatitaaffinnillu pisortaqaarfinnut, Namminersorlutik Oqartussat ingerlatseqatigiiffiutaannut kommunalbestyrelsemulluunniit ingerlatsisoqarsimatillugu nakkutilliinissamut maalaaruteqarnissamullu attuumassusilinnik aalajangersaasinnaapput.

Nr. 5-mut (siunnersuummi § 7)

Allannguutissatut siunnersuummi inatsisitigut allassimasuni aaqqiisoqarpoq.

Allannguutissatut siunnersuummi, siunnersuutaasimasuni § 7-mi inunnt takornariatitsinermut ingerlatsinissamut akuersissummik tunniussisoqarnissaanut piumasagaataasut tamarmik naammassi-neqartussaanei ersarissarneqarpoq.

Nr. 6-mut (siunnersuummi § 9)

Allannguutissatut siunnersuummi inatsisitigut allassimasuni aaqqiisoqarpoq. Siunnersuutip imarisaani allanngortoqanngilaq.

Nr. 7-mut (siunnersuummi § 10)

Allannguutissatut siunnersuummi inatsisitigut allassimasuni aaqqiisoqarpoq. Siunnersuutip imarisaani allanngortoqanngilaq.

Nr. 8-mut (siunnersuummi § 11)

Aalajangersakkami immikkut akuersissut ukiunut marlunnt atuuttarnissaanut aalajangersaasoqarpoq, qinnuteqarnikkullu ukiunik marlunnik sivitsuisoqartarsinnaavoq. Immikkut akuersissuteqarnermi sivitsuinermilu Naalakkersuisut piumasagaatinik aalajangersaasarsinnaapput.

Nr. 9-mut (siunnersuummi § 12)

Allannguutissatut siunnersuummi inatsisitigut allassimasuni aaqqiisoqarpoq. Siunnersuutaasumi § 12, imm. 1-imi “suliamik ingerlatsineq” “pisortaqarfinni sullissineq”-mik taarserneqarpoq. Siunnersuutip imarisaani allanngortoqanngilaq.

Nr. 10 (siunnersuummi § 13)

Allannguutissatut siunnersuummi inatsisitigut allassimasuni aaqqiisoqarpoq. Siunnersuummi § 13-imi allassimasumi takornariatitsinermik ingerlatsisut allassimanerisa kingorna “ass.” Ilanngunneqarnissaa siunnersuutigineqarpoq.

Allannguutissatut siunnersuummi Naalakkersuisut Inatsisartut inatsisaannut matumunnga attuumassusilinnut ingerlanneqartunut assigisaannullu nakkutilliisussaaneerat ersarissarneqarpoq. Naalakkersuisut nakkutilliisussaaneeri Inatsisartut inatsisaannut matumunnga attuumassusillit tamarmik

pineqarput, tassunga ilapput siunnersuummi § 3, imm. 1 aallaavigalugu akuersissummik tunineqarnissamut inunnut inatsisitigullu inunnut piumasaqaataasut naammassineqarnersut nakkutigineqarnissaat.

Nr. 11-mut (siunnersuummi kapitali 9-p qulequtaa)

Allannguutissatut siunnersuummi sumiiffinni ingerlaarsinnaanissamut killilersuinnermut attuumassusillit siunnersuutaasimasup kapitaliata 9-ani qulequtaasimasumi peerneqarpoq.

Uani allani aaqqiissutaasimasunut nalimmassaasoqaannarpoq, taannalu siunnersuutaasumi § 15-imi naqqiutunut attuumassuteqarpoq (allannguutissatut siunnersuummi nr. 12). Oqaaseqaatit tassunga attuumassusillit atuaqquneqarput.

Nr. 12-imut (siunnersuummi § 15)

Allannguutissatut siunnersuummi § 15-imi allassimasut nutaamik allassimasoqalernissaat siunnersuutaavoq, taannalu aallaavigalugu Naalakkersuisut inuussutissarsiutigalugu ingerlatsisunut sumiiffinni aalajangersimasuni, piffissani aalajangersimasuni imaluunniit pissutsini immikkuullarisuni aammalu sumiiffinnik toqqartuinissamut periutsit atuuttut aallaavigalugit suliaqarsinnaanerannut Naalakkersuisut ersarinnerusumik aalajangersaasinnaanerat aalajangersarneqarpoq.

Aalajangersagassatut siunnersuutaasoq aallaavigalugu Naalakkersuisut sumiiffinni aalajangersimasuni, piffissami aalajangersimasumi pissutsinilu aalajangersimasuni taamaallaat i-nuussutissarsiutigalugu ingerlatsisoqarsinnaanerannut aalajangersaanissaminnut tunngavissaqassapput. Aalajangersagassatut siunnersuutaasumiittaaq Naalakkersuisut sumiiffinnik toqqaanissamut, piumasaqaatinik sumiiffinnut pineqartunut atuuttussanik aalajangiinissaminnut qanoq suleriuseqartoqarsinnaanerannut aalajangersaasinnaapput.

Aalajangersagaq inuussutissarsiutigalugu ingerlatsisunut tamanut attuumassuteqarpoq, tassa takornarissanut ingerlatsinnermut taamaallaat atuutinngilaq.

Naalakkersuisut sumiiffinni aalajangersaasinnaapput, taamaaliortoqassappalli nalinginnaasumik kommunit taakkuupput aalajangersagassat imarisassaannut siunnersuuteqarnissamut suliniummik aallartitsisussat.

Sumiiffinni aalajangersimasuni taamaallaat inuussutissarsiutigalugu ingerlatsisut suliaqarsinnaanerannut aalajangersaanermi zone-nut agguaanissamut aalajangersaasinnaaneq ilaatigut pineqarpoq. Assersuutigalugu inuussutissarsiutigalugu ingerlatsisunut piumasaqaatit assigiinngitsut zone-nut assigiinngitsunut aalajangersarneqarsinnaapput. Imaassinnaavoq zone qorsuk

killilersuinertaqanngitsoq, zone sungaartoq immikkuullarissunik piunasaqaatitaqartoq kiisalu zone aappaluttoq inuussutissarsiutigalugu ingerlatsinissamut tamakkiisumik inerteqquteqarfiusoq.

Piffissani aalajangersimasuni taamaallaat inuussutissarsiutigalugu ingerlatsinnaanissaannut aalajangersaaneq ima paasineqarsinnaavoq, soorlu aalisarnerup piniarnerullu imaluunniit piffissaq uumasunut pinngortitamulluunniit mianerinniffiusussap avataani inuussutissarsiutigalugu ingerlatsineq.

Piunasaqaatit immikkuullarissut aallaavigalugit taamaallaat inuussutissarsiutigalugu ingerlatsinnaanissaannut aalajangersaaneq ima paasineqarsinnaavoq, soorlu ingerlatsisoqassappat sillimaniarnermut, sillimasiinermut, atortunik aalajangersimasunik atuinissamut atueqqusaannginnermut imaluunniit sumiiffimmi inuussutissarsiutigalugu ingerlatsiffiusussami inuit amerlassusissaannut aalajangersaaneq.

Sumiiffinnik toqqaanissamut tunngatillugu suleriusissanik aalajangersaasinnaanissamut periarfissat aallaavigalugit Naalakkersuisut aalajangiisinnaassapput sumiiffinnik toqqaanissamut periusissaq qanoq aaqqissuunneqassanersoq. Assersutigalugu Naalakkersuisut aalajangersinnaapput kommunit akornanni qinnuteqartoqarsinnaasoq kiisalu tamanut tusarniaanissamut aalajangersaasoqarsinnaasoq assigisaannillu. Taakkua saniatigut Naalakkersuisut aalajangersaasinnaapput piunasaqaatit suut aallaavigalugit sumiiffinnik toqqaasoqartassanersoq.

Aalajangersagaq aallaavigalugu inatsisini allani allassimasut avaqqunneqarsinnaanngillat, tassunga ilanngullugu inuussutissarsiornermut inatsisit, avatangiisinut inatsisit imaluunniit sumiiffiit pillugit pilersaarusanut inatsisit.

Imm.1-imi aalajangersakkattaaq ilaatigut nunaminertat atorneqarnissaannut pilersaarutit pillugit Inatsisartut inatsisaanni allassimasut unioqquteqqusaanngilaat.

Soorluttaaq sumiiffiit aalajangersimasut zone-nut agguarneqarnissaannut imaluunniit inuussutissarsiutigalugu ingerlatsiffiunissaannut aalajangiiffissat aammalu inatsisartut inatsisaanni matumani malittarisassat inatsisini pioreersunit allaaneruppata taava nunaminertat atorneqarnissaannut pilersaarutit pillugit Inatsisartut inatsisaat aallaavigalugit sumiiffinni pilersaarusioneqareersimappata ataqqineqassapput.

Taamaaliornikkut sumiiffinni aalajangersimasuni inuussutissarsiutigalugu ingerlatsiffiusinnaasuni sumiiffinni aalajangersimasuni imaluunniit inatsisini allani kommunini aalajangersarneqarsimasut unioqqutillugit allatut aalajangersaasoqarsinnaanngilaq.

Aalajangersagaq aallaavigalugu malittarisassat suliarineqarnerini pigisanik arsaarinnittoqartariaqarneranut tunngassutilinnik aalajangersaasoqarnissaa pinaveersaartinneqassaaq. Inuussutissarsiutigalugu ingerlatsisinnaanermut unioqquteqarnermi tunngaviusumik sumiiffinni inunnit inatsisitigulluunniit inunnit inuussutissarsiutigalugu ingerlatsiffioreersuni atuutsinneqalinnginnissaa pinaveersaartinneqassaaq. Immikkulli pisoqartillugu suliffeqarfiit inuussutissarsiutigalugu ingerlatsereersusut immikkut akuerisaallutik akuersissummik tunineqarsinnaanerannut aalajangersaasoqassaaq, taamaaliornikkut inuussutissarsiutigalugu ingerlatsisut ingerlataannut allatigulluunniit pisinnaati-taaffiit naapertuutinngitsumik pisoqarnissaa avaqqunneqarsinnaavoq.

Nr. 13-imut (siunnersuummi § 16, imm.1)

Allannguutissatut siunnersuummi inatsisitigut allassimasunik aaqqiisoqarpoq.

Kalaallisut allassimasumi innersuussinermi kukkuneq aamma aaqqinneqarpoq.

Siunnersuummi imarineqartuni allannguisoqanngilaq.